

ANIMALIA UGAZTUN EKOLOGIKOEN ABELTZAINZA EKOIZPENAREN ZIURTAPENA NNPEKekin LORTZEKO ESKULIBURUA

Dokumentu honen xedea da abeltzaintza-ekoizlearen ziurtagiria lortzeko jarraitu beharreko prozesuaren eta oinarritzko betebeharren berri ematea. Informazioa osatzeko, ekoizpen ekologikoaren araudia duzu eskura gure webgunean: www.cpaen.org.

Soil-soilik kontrolpean diren eta indarrean den ziurtagiria duten nekazaritza eta elikadura ekoizpenek erabiltzen ahalko dituzte NNPEK kontseiluaren adostasun markak, bai eta “ekologikoa”, “biologikoa”, “organikoa” termino babestuak edo haien laburdurak ere.

NNPEK kontseiluak honako Eskuliburu hauek ditu eskura ziurtatu daitekeen jarduera bakoitzari buruzko informazioa emateko (gorriz, Eskuliburu hau bera da):

JARDUERAK	INFORMAZIO ESKULIBURUAK
Ekoizpena (ekoizpenak biltegitururik edo ez, barne dira ekoizpen propioak eraldatu gabeko lanak).	
“Azpijarduera”: Begetala.	Ekoizpen Begetala (MAN001)
“Azpijarduera”: Animaliak (erlezaintza barne).	Abeltzaintza Ekoizpena: Ugaztunak (MAN002); Abeltzaintza Ekoizpena: Erlezaintza (MAN003); Abeltzaintza Ekoizpena: Hegaztiak (MAN008)
“Azpijarduera”: Aukiola.	Abeltzaintza Ekoizpen Aukiola (MAN004);
Elaborazioa edo Prestaketa (biltegitururik edo ez, eraldakuntza da barne, bai eta bestelako lanak ere, hala nola hiltzea, ontziratzea, etiketatzea).	Elaborazioa (MAN005)
Inportazioa (Europar Batasuneko herrialdeetatik kanpo, biltegitururik edo ez).	Inportazioa (MAN007)
Banaketa/Merkaturatzea (produktua biltegitururik edo ez, barne dira produktuari lotutako transakzio ekonomikorik gabeko “merkaturatze” jarduerak)	Banaketa/Merkaturatzea (MAN006)

ALDERDI OROKORRAK

Abeltzaintza ekoizpen ekologikoak animalien ongizatea eta gaitzen prebentzioa ditu oinarri, azienda egokiro gobernatuz (barne dago behar den maiztasunez kentzea simaurra eta elikagai isuriak edo ez kontsumituak, azindari elikadura ona ematea kalitatezko pentsu eta bazken bidez, elikadura orekatua (gehigarriak, hala nola gatz-harriak), estresik ez eragitea, elikadura eta tenperaturak bat-batean ez aldatzea, ariketa egiteko aukera ahal denean, larreen maneiu ona, abeltzaintza-karga egokiak mantentzea eta instalazioetako baldintza higieniko eta sanitarioak).

Arrazak edo leinuak aukeratzean, kontuan hartu behar da animalien gaitasuna ingurune baldintzetara egokitzeko, eta haien bizkortasuna eta gaitzei aurre egiteko erresistentzia ere.

NNPEKek ez du aholkularitza tekniko egiten, ekoizpena kontrolatzeko eta ziurtatzeko ardura duen Kontrol Agintaritza baita.

Ez da zilegi erabiltzea genetikoki eraldatutako organismoak (GEO), ezta GEOetatik edo haien bidez lortutako produktuak ere.

Arauetan edo ziurtapen baldintzetan aldaketak direnean, NNPEKek jarriko ditu zure eskura www.cpaen.org webaren bidez eta, halaber, araudiaren bertsio finkatua eguneratuko du. Honako esteka honetan ikusten ahalko dituzu aldaketak eta bertsio eguneratuak: <https://www.cpaen.org/es/normativa/reglamentos>.

Zure ustiatzean gertatzen diren aldaketa guztiak jakinarazi beharko dizkiozu NNPEK erakundeari, eta zure ekoizpen-unitateen deskribapena eguneratu, behar den bakoitzean (lursail berriei alta ematea, lursaili baja ematea, ekoizpenak biltegitratzeko instalazioak, etab.).

Prebentzio eta ardura neurriak hartu beharko dituzu arauk ezarritakoa betetzen dela bermatzeko eta baimendu gabeko produktu edo substantziekin izan litezkeen kutsadura arriskuak murrizteko.

Ematen dizkizun zerbitzuengatik urteko tasetan ezarritako zenbatekoak ordaindu beharko dizkiozu NNPEK erakundeari.

Kontrolak egiteko beharrezkotzat jotzen den dokumentazio guztia jarri beharko duzu NNPEKen eskura eta, era berean, zure ustiatzeko elementu guztietarako sarbidea eman beharko diezu auditoreei, lursailak, instalazioak eta beste ikuska ditzaten.

Sumatuz gero ekoiztutako edo jasotako produktu bat ez datorrela bat ekoizpen ekologikorako araudiarekin, kasuan kasuko produktua bereizi eta identifikatu beharko duzu, eta susmoa frogatu badaiteke, ez duzu produktu hori eko gisa (edo konbertsio gisa) merkaturatuko eta erabiliko, salbu susmoa baztertzeko ahal baduzu; nolahi ere, susmoa bazterterik ez baduzu, NNPEK kontseiluari jakinarazi beharko diozu.

NNPEKen “Ekoizpen Begetalerako Ziurtapen Eskuliburua” izan beharko duzu kontuan, zure abeltzaintza ustiapenaren lurralde-oinarria maneiatzeko.

ALDI BEREKO EKOIZPEN EKOLOGIKOA ETA EZ-EKOLOGIKOA

Ustiapenak ekologikoak izan behar dira espezie jakin bati dagokionez, ez da zilegi espezie beraren aldi bereko ekoizpena (ekologikoa eta ez-ekologikoa); ez bada nekazaritza ikerkuntzarako edo hezkuntza ofizialerako eta betiere arauzko baldintzak betetzen badira.

Zilegi da espezie ezberdinak izatea ekoizpen ez-ekologikoan (ustiapen mistoa), baldin eta espezie horiek ez badira bazkatzen aldi berean animalia ekologikoen larre berberetan, eta larre ekologikoetan bakarrik bazkatzen badira epealdi mugatu batean urte bakoitzean, eta argi eta garbi berezitako eraikinak badituzte.

KONBERTSIO ALDIA:

Abeltzaintza produktuak ekologiko gisa merkaturatu ahal izateko, animaliek eta larreek konbertsio aldia pasatu beharko dute, 2 urtekoa izanen dena konbertsioak ekoizpen-unitate osoa ukitzen duenean (animaliak eta lursaila). Ez da zilegi animalia jatorriko produktuak “aldaketan diren” produktu gisa merkaturatzea.

Konbertsio aldia zure jardura jakinarazi eta ziurtapen eskaera egiten duzun unetik aurrera hasiko da zenbatzen; ez lehenago.

ANIMALIEN JATORRIA

Ustiatze ekologikoetan sortu eta hazi beharko dira.

Animalia ez-ekologikoak inskribatzen ahalko dira hazkuntza xedeetarako (emeak, bizitarako, eta hazitarako animaliak odola berritzeko), soil-soilik animalia ekologikorik eskura ez dagoenean. Ustiatégian sartzen diren animalia ez-ekologiko guztiak jakinarazi beharko dizkiozu NNPEKi, kasuan kasuko galdetegiaren bidez, ustiatégian sartu baino lehen. Kasu horietan, sartzen diren emeak erdigabeak izanen dira (abandonu arriskuan dauden espezieak izan ezik) eta ezin izanen dituzte gaingaitu urtean baimendutako maximoak (abandonu arriskuan dauden espezieak izan ezik). Hona hemen:

- Azienda helduaren % 10 zaldi- eta behi-aziendarako.
- Azienda helduaren % 20 ardi-, ahuntz-, zerri-, untxi-aziendarako edo zerbidoetarako.

Aurreko bi ehunekoak % 40ra artekoak izaten ahalko dira, handitze garrantzitsuari ekiten zaionean, arraza aldatzen denean edo beste abeltzaintza-espezializazio bat hasten denean.

Ustiatégia ekologikoan sartutako animalia ez-ekologikoengandik datozen abeltzaintza-produktuak merkaturatu ahal izateko, urtebeteko konbertsio aldia pasatu beharko dute zerbidoetarako, zaldi-aziendarako eta haragitako behi-aziendarako; 6 hilabete, ardi-, ahuntz- eta zerri-aziendarako eta esnea ekoizteko animalientzako; 3 hilabete untxietarako.

ARTZAINZA ETA KANPORAKO SARBIDEAK:

Abere-kargak ez du honako balio hauek baino handiagoa izan behar (beheko taulan agertzen ez diren espezieen kasuan, galdetu NNPEK kontseiluari):

	Buruak hektareako eta urteko
6 hilabetetik gorako zaldi-buruak	2
Gizentzeko txahalak	5
Urtebetetik beherako beste behi-buru batzi	5
1 - 2 urteko behi-buru arrak	3,3
1 - 2 urteko behi-buru emeak	3,3
2 urtetik gorako behi-buru arrak	2
Hazkuntzarako txahalak	2,5
Gizentzeko txahalak	2,5
Esne-behiak	2
Birjarpenerako esne-behiak	2
Beste behi batzuk	2,5
Untxi ugaltzaileak	100
Ardiak	13,3
Ahuntzak	13,3
Txerrikumeak	74
Zerramak	6,5
Gizentzeko zerriak	14
Beste zerri batzuk	14

Nolanahi ere, abere-kargak egokia izan beharko du eta inola ere ez du gaindituko 170 kg-ko Nitrogeno muga, hektareako eta urteko. Abeltzaintza ekoizpen ekologikoa debekaturik dago lursailik gabe; beraz, zure lurralde-oinarrian banatu ezin duzun simaur soberakina izanez gero, 170 kg N ez gaintzeko ez hektareako ez urteko, akordioak egin beharko dituzu beste ustiategi ekologiko batzuekin, beharrezkoa den azalera eskura izateko.

Larreak elkarrekin bazkatzen ahalko dira, betiere arauzko baldintzak betetzen badira. NNPEKek eskura jarriko dizun aitoren eremuan, herri-lurren kudeatzaileak baldintzak betetzen direla ziurtatzen ahalko du.

Kanpoalderako sarbideari dagokionez:

- Animaliek atari zabalean dauden lekuetarako sarbidea izan beharko dute. Animalia belarjaleek bazkalekuetarako sarbidea izan beharko dute artzaintza garai guztian, betiere baldintza klimatologikoen eta lurraren egoerak horretarako aukera ematen badute.
- Litekeena da behi-, zaldi-, ardi-, ahuntz-aziendak eta zerbidoek aire zabalerako sarbiderik ez izatea neguko hilabeteetan, neguko ostatu-sistemak animalien mugimendu askatasuna ahalbidetzen duenean.
- Urtebetetik gorako behi-buru arrek sarbidea izan beharko dute bazkalekuetara edo atari zabaleko lekuetara.
- Ariketa eremuak hein batean estaliak egoten ahalko dira.
- Ariketa eremuek aukera eman beharko diete zerri-buruei kaka egiteko eta muturkatzeko. Muturkatzeari begira, hainbat substratu erabiltzen ahalko dira.
- Ariketa eremuetako kanpoko leku erabilgarriak (bazkalekuak kontuan hartu gabe) gutxienez honelakoa izan beharko du (beheko taulan agertzen ez diren espezieentzat, galdetu NNPEK kontseiluari):

	M2 ² buruko
Ugaltzeko eta gizentzeko behi- eta zaldi-azienda, 100 kg-ra arteko pisu bizia gehienez.	1,1
Ugaltzeko eta gizentzeko behi- eta zaldi-azienda, 200 kg-ra arteko pisu bizia gehienez.	1,9
Ugaltzeko eta gizentzeko behi- eta zaldi-azienda, 350 kg-ko pisu bizia gehienez.	3
Ugaltzeko eta gizentzeko behi- eta zaldi-azienda, 350 kg-tik gorako pisu bizikoa.	3,7, eta gutxienez 0,75 m ² /100 kg
Esne-behiak	4,5
Ugalketarako zezanak	30
Ardiak eta ahuntzak	2,5
Arkumeak eta antxumeak	0,5
40 egunera arteko txerrikumeak dituzten zerri eme ume-hazle	2,5
35 kg-ra arteko pisu bizia duten gizentzeko zerriak	0,4
50 kg-ra arteko pisu bizia duten gizentzeko zerriak	0,6
85 kg-ra arteko pisu bizia duten gizentzeko zerriak	0,8
110 kg-ra arteko pisu bizia duten gizentzeko zerriak	1
110 kg-tik gorako pisu bizia duten gizentzeko zerriak	1,2
40 egunetik gorako eta 30 kg-ra arteko txerrikumeak	0,4
Zerri eme ugaltzaileak eta zerrama hutsak	1,9
Zerri ugaltzaileak	8
Zerri ugaltzaileak, estaltzerako erabiltzen diren barrutietan	8

ELIKADURA:

- % 100ek ziurtapen ekologikoa izan beharko du, norberaren lurralde-oinarrikoa eta, elikagaia erosten bada, ziurtapena duten hornitzaileena.
- % 70ek ustiatetik bertatik etorri beharko du (% 30 zerri-aztiarako eta % 70 untxietarako) edota, hori ezin bada, hurbileko ustiatetik edo pentsu-lantegietatik.
- Kumei amaren esnea eman beharko zaie jateko gutxienez 3 hilabetez zerbido-buru, behi-buru eta zaldi-buruetakoko; 45 egunez, ardi-buru eta ahuntz-buruetakoko; 42 egunez untxietarako eta 40 egunez zerri-buruetakoko. Amaren esnea ezin bada, esne naturala erabiliko da (beste eme baten esnea edo esne ekologikoa hautsetan gehigarririk gabe).
- Eguneko errazioan, bazka-landareek % 60 izan beharko dute gutxienez. Ehuneko hori % 50era murriztu liteke esnea ekoizten duten animalientzat, gehienez 3 hilabetez edoskitzearen hasieran.
- Elikaduran lehengai mineralak eta beste lehengai eta gehigarri batzuk erabiltzen ahalko dira, EB 2021/1165 Erregelamenduaren III. Eranskinarekin bat badatoz.
- Aziendaren elikaduraren % 20 larretik edo bazketatik etortzen ahalko da lehenbiziko "konbertsio" urtean, ustiatetik bertakoak badira.
- Aziendaren elikaduraren % 25 "konbertsioan" diren elikagaietatik etortzen ahalko da, eta elikaduraren % 100 izan daiteke ustiatetik bertatik badatoz.
- Salbuesenez, eta ez badago lortzerik pentsu proteiko ekologikorik, baimena eskatzen ahalko da urtean % 5 emateko txerrikumeei pentsu proteiko ez-ekologikoetan. Xedapen hori 2026ko amaiera arte aplikatuko da. Konbertsioan, elikagaietan emandako kantitateak eta bazka errazioa egiaztatze aldera, NNPEKek landare jatorriko elikagaien materia lehorra oinarri harturik kalkulatuko ditu aipatu ehunekoak.

UKUILUAK ETA ERAIKINAK:

Eraikinei dagokienez (ez dira nahitaezkoak, kanpoaldean urte osoan bizitzerik badago):

- Aireztapen natural handia izan beharko dute, bai eta argi natural handia ere.
- Behar bezalako instalazioak izan beharko dituzte hautsa eta gasa muga kaltegarrietan ez pilatzeko, eta temperatura handi eta hezetasun erlatibo handi kaltegarririk ez sortzeko.
- Lurzoruek lauak izan beharko dira, baina ez irristakorrak. Gutxienez azalera erabilgarriaren erdiak irmoa izan beharko du, hau da, listoiak edo sareta ez diren material solidoekin eraikia (behi-, zaldi-, ahuntz-, ardi-, zerri-azienda).
- Ostatuak eremu eroso, garbi eta lehor bat izan beharko du lo egiteko edo atsedean hartzeko, behar bezain handia, listoiak edo sareta ez diren material solidoekin eraikia. Atsedenerako eremuak etzaleku zabal eta lehorra izanen du, azpiekin. Azpiek lastoa edo bestelako material natural egokiak izan beharko dituzte, eta (EB) 2021/1165 Erregelamenduaren II. Eranskinean jasotako edozein produktu mineralekin hobetu eta aberasten ahalko dira.
- Barnealdeko eremu erabilgarriak gutxienez honelakoa izan beharko du (beheko taulan agertzen ez diren espezieentzat, galdetu NNPEK kontseiluari):

	M ² buruko
Ugaltzeko eta gizentzeko behi- eta zaldi-azienda, 100 kg-ra arteko pisu bizia gehienez.	1,5
Ugaltzeko eta gizentzeko behi- eta zaldi-azienda, 200 kg-ra arteko pisu bizia gehienez.	2,5
Ugaltzeko eta gizentzeko behi- eta zaldi-azienda, 350 kg-ra arteko pisu bizia gehienez.	4
Ugaltzeko eta gizentzeko behi- eta zaldi-azienda, 350 kg-tik gorako pisu bizikoa.	5, eta gutxienez 1 m ² /100 kg
Esne-behiak	6
Ugalketarako zezanak	10
Ardiak eta ahuntzak	1,5

Arkumeak eta antxumeak	0,35
35 kg-ra arteko pisu bizia duten gizentzeko zerriak	0,6
40 egunera arteko txerrikumeak dituzten zerri eme ume-hazleak	7,5
50 kg-ra arteko pisu bizia duten gizentzeko zerriak	0,8
85 kg-ra arteko pisu bizia duten gizentzeko zerriak	1,1
110 kg-ra arteko pisu bizia duten gizentzeko zerriak	1,3
110 kg-tik gorako pisu bizia duten gizentzeko zerriak	1,5
40 egunetik gorako eta 30 kg-ra arteko txerrikumeak	0,6
Zerramak	2,5
Zerri ugaltzaileak	6 (10, estaltze naturalerako barrutiak erabiltzen direnean)
Zerri ugaltzaileak, estaltzerako erabiltzen diren barrutietan	10

JARDUNBIDE BAIMENDUAK ETA EZ-BAIMENDUAK:

Animaliak hiltegi ziurtatu ekologiko batean hil behar dira, haragia ekologiko gisa merkaturatuko bada. NNPEKek Nafarroan eskura diren hiltegien kontaktuak ematen ahal dizkizu.

Honako jardunbide hauek ez dira zilegi:

- Txahalak banakako geletan edukitzea, astebetean betetzen dutenetik.
- Animaliak plataforma goratuetan, kaxetan edo kioletan edukitzea.
- Zerramak isolatuta edukitzea, ernaldiko azken faseetan eta edoskitze aldiaren izan ezik, eta mugitzeko askatasunarekin (epealdi laburretan soilik mugatua).
- Abeltzaintza ekoizpena lur ekologikorik gabe.
- Elikadura behartua.
- Anemien agerpena sustatzen duten baldintzak edo dietak ezartzea animaliei.
- Sintesi kimikoko albaitaritza sendagai alopatikoak edo antibiotikoak erabiltzea prebentziozko tratamenduetan.
- Hazkundera edo ekoizpena sustatzeko substantziak erabiltzea (aminoazido sintetikoak, antibiotikoak, kokzidiostatikoak eta hazkundera sustatzen duten beste substantzia artifizial batzuk barne) edota hormonak edo antzeko substantziak erabiltzea (ezta ugalketa kontrolatzeko ere).
- Estimulazio elektrikoko sistemak erabiltzea, animaliak kargan eta deskargan behartzeko.
- Garraiatu aurretik eta garraioan zehar lasaigarri alopatikoak erabiltzea.

Honako jardunbide hauek dira zilegi:

- Zikiratze fisikoa, produktuen kalitatea eta ekoizpen-praktika tradizionalak mantentzeko; dena den, sufrimendua ahalik eta gehien murriztuz, anestesia edo analgesia egokia aplikatuz eta eragiketa langile kualifikatuek gauzatuz, animalia horretarako adinik egokienean dagoenean.
- NNPEKek buztana mozteko, adarrak kentzeko eta adar-ernamuinak kentzeko baimena ematen du, betiere segurtasun-, osasun-, higiene- edo ongizate-arraioengatik egiten bada.

TRATAMENDUAK ETA OSASUNA:

Tratamendurako lehentasuna emanen zaie baimendutako produktu fitoterapeutikoei eta homeopatikoei, oligoelementuei eta nutrizio-gehigarriari, baldin eta eragin terapeutiko eraginkorra badute kasuan kasuko animalia-espeziearentzat eta tratamendua erabiltzen den gaitzetarako.

Beharrezkoa denean, prebentzio-neurriek eta lehenasunezko produktuek funtzionatzen ez badute, tratamenduak egiten ahalko dira sintesi kimikoko produktu alopaticoekin, al baitari baten ardurapean.. Halakoetan, bikoiztu egin beharko da animalia edo haren produktu eratorriak kontsumitzeko itxaronaldia, ekologiko gisa merkaturatu ahal izateko, eta gutxienez 48 orduz itxoin beharko da.

Txertaketak, parasitoen aurkako tratamenduak eta nahitaezko desagerrarazte programak izan ezik, animalia batek edo animalia talde batek 3tik gora tratamendu txanda jasotzen baditu sintesi kimikoko al baitaritzza sendagai alopaticoekin edo antibiotikoekin 12 hilabeteko epean (edo tratamendu txanda bat baino gehiago, haien bizi-ziklo produktiboa urtebetetik beherakoa bada), animaliak edo horietatik eratorritako produktuak ezin izanen dira produktu ekologiko gisa saldu, eta animaliek berriz ere konbertsioaldiak pasatu beharko dituzte.

Abeltzaintza lokalak, instalazioak eta tresnak garbitzeko eta desinfektatzeko, honako produktu hauek erabiltzen ahalko dira:

- Potasazko xaboia eta soda
- Ura eta lurrina
- Karea, kare bizia eta kare-esnea
- Sodio hipokloritoa (lixiba likidoa, adibidez)
- Soda kaustikoa eta potasa kaustikoa
- Hidrogeno peroxidoa
- Landareen esentzia naturalak
- Azido zitrikoa, perazetikoa, formikoa, laktikoa, oxalikoa eta azetikoa
- Azido nitrikoa eta azido fosforikoa (biak esnegintzako ekipamenduetarako)
- Alkohola
- Formaldehidoa
- Titiburuak eta jezte instalazioak garbitzeko eta desinfektatzeko produktuak.
- Sodio karbonatoa

SALBUESPENEZKO BAIMENAK:

Hondamendiren bat gertatuz gero, eta alde zurretik eskaturik, honako hau baimentzen ahalko da aldi baterako:

- Artaldea edo taldea animalia ez-ekologikoekin berritzea edo berrosatzea, baldin eta metodo ekologikoaren bidez hazitako animaliarik eskura ez badago, eta animalien arteko hilkortasun tasa handia bada.
- Epealdi mugatu batean pentsu ez-ekologikoak erabiltzea, murrizketak ezartzen direnean edo pentsuen ekoizpena galtzen denean.

GARBIKETA:

Behar diren garbiketa neurriak hartu beharko dituzu, ekoizpen ekologikoak eta ez-ekologikoak ez nahasteko eta ez kutsatzeko, biltegiarata dauden bitartean.

EKOIZPENEN MUGIMENDUAK ETA DERRIGORREZKO ERREGISTROAK:

Beste unitate ekologiko batzuetara bidaltzen dituzun animalia edo produktu guztiak behar bezala identifikatu beharko dira, arauzko baldintzen arabera. Horretarako, agiri osagarriak aurkeztu beharko dira, eta horien kopia bat gorde eta beste bat eman beharko diozu hartzaileari. Albaranak edo fakturak agiri osagarritzat jotzen ahalko dira, derrigorrezkoa den informazioa jasotzen badute (NNPEK identifikazioa produktuaren ziurtapen-emaile gisa, "eko" produktuaren edo konbertsio bidean den produktuaren identifikazioa, produktuaren igorlearen eta hartzailearen identifikazioa, eta produktuaren trazabilitatea bermatzeko behar den informazio guztia).

Derrigorrezkoak diren erregistroak egin eta behar diren frogagiriak mantendu beharko dituzu araua betetzen dela bermatzeko. NNPEKek erregistro-ereduak jarriko ditu zure eskura, halakorik izan ezean erabil ditzazun.

Derrigorrezko erregistroen artean daude animalien sarrera, irteera eta galera erregistroak, elikadura, tratamenduak eta albaitaritzazaintzak, eta erreklamazio-orriak. Erregistroak eguneraturik eta beterik izan beharko dituzu, haietan beharrezkoa den informazioarekin.

ZIURTAPENAREN PROZESUA eta ZIURTAPEN BETEBEHARRAK

Honatz ziurtapenaren prozesua:

1. Inskribatze-eskabidearen formulazioa aurkeztu behar da NNPEK kontseiluan, behar bezala betea eta sinatua, erantsi beharreko agiriekin batera. Galdetegia gure webgunean dago eskura: www.cpaen.org.
2. Ziurtapen Akordioaren sinadura. Aurrekontua prestatu eta helaraziko zaizu, eskaera egin denean indarrean diren tasen arabera. Ziurtapen eskabidea ez da betetzat eta onartutzat joko, Ziurtapen Akordioa sinatua aurkezten ez bada.
3. NNPEKek hasierako auditoretza egingen du zure eskabidea ebaluatzeko. Ebaluazioa aldekoa ez bada, zuzenketa-ekintzak hartu eta ezartzen ahalko dituzu zehazten den epean.
4. NNPEK kontseiluak zure eskabidearen aldeko edo kontrako ebazpena jakinaraziko dizu, behin Ziurtapen Batzordeak zure espedientea aztertu ondoren. Erabakia hartzeko epea gehienez 6 hilabetekoa izanen da, eskabidea betetzen duzunetik aurrera.
 - Kontrako ebazpena ematen bada, 6 hilabeteko epea izanen duzu behar diren zuzenketa egiteko, Batzordeak zure eskabidea berriz ere baloratu dezan. Epe horretan zuzenketa egiten ez baduzu, ulertuko da ez diozula prozesuari segidarik eman nahi, eta espedientea itxiko da.
 - Aldeko ebazpena ematen bada, NNPEK kontseiluak ziurtagiria bidaliko dizu. Ziurtagiriak 24 hilabeteko indarraldia izanen du, aipatzen diren irismenentarako betiere.

Behin operadore ekologiko gisa inskribaturik, zure ziurtapenaren irismenaren zabalpena eskatzen ahalko duzu, horretarako NNPEKek bere webgunean eskura jarriko dizkizun galdetegiak erabiliz (www.cpaen.org). Irismen berria ziurtatzeko prozesua hasierako ziurtapenerako berbera izanen da.

Zure ziurtapen eskariek kontrako erabakia jasotzen badute, apelazio idatzia egiten ahalko duzu Alderdien Batzordean, 15 eguneko epean jakinarazpena jasotzen duzunetik aitzina. NNPEKek, zure apelazioa jaso izana adierazteaz gain, haren emaitzaren jakinarazpen idatzia egingen dizu. Hala ere, apelazioan bestelako dokumentazio teknikorik aurkezten baduzu, Ziurtapen Batzordeak berak ebatziko du, lehen erabakia hartzean eskura izan ez zuen dokumentazio berria delako. Ziurtapen Batzordeak apelazioa ebatzen badu dokumentazio berria delako, eta kontrako ebazpena bada, jakinaraziko zaizu oraindik ere baduzula Alderdien Batzordean apelazioa egiteko aukera.

NNPEKek, halaber, jakinarazten dizu kexak edo erreklamazioak egiten ahalko dituzula emandako zerbitzuagatik edota kontrol eta ziurtatze jarduerarekin zerikusia duten beste arrazoi batzuegatik. NNPEKek huraxe jaso izana adieraziko dizu eta hura bere prozedurekin bat kudeatzeko konpromisoa hartuko du, ekintza egokiak eginez eta dokumentatuz; emanen zaizun erantzun idatzian jakinaraziko zaizu zer ekintza egin litezkeen kasu bakoitzean.

Behin ziurtapena emanik, NNPEKek kontrol auditoretzak egingen ditu, arauk ezarritako maiztasun minimoarekin, eta arriskuen ebaluazioa zehaztuko du, ziurtapen akordioa mantentzen den bitartean eta Kontseiluan baja hartzen ez duzun bitartean. Kontrol bisualaz eta dokumentalaz gain, NNPEKek laginak hartzen ahalko ditu zure ustiatzean. Analisisiek araua urratu ahal izan dela adierazten badute, NNPEKek bigarren analisi bat (adituaren txostena) jasotzeko duzun eskubideaz informatu eta jakinaraziko dizu eta, baieztatzen bada, dagokion ikerketa egingen du.

NNPEKek jakinarazten dizu laginen analisisak laborategiei azpikontratatzan dizkiela. Hortaz, lagina hartzen bada, kontrol-auditoretzan bertan kontra egiten ahalko diozu lagin hori laborategi jakin batek edo batzuek aztertzeari, eta auditoreari zure jarrera justifikatu beharko diozu.

Kontrolen emaitzen arabera, NNPEKek urtero berrituko du zure ziurtapena, edo ziurtapena kendu edo bertan behera utziko du, dela orokorrean, dela ekoizpen sorta edo elementu zehatzetan.

Zuzenketa/konponketa ekintzak egin beharko dituzu zure jarduera ziurtatuan atzematen diren urraketak moldatzeko, kasu bakoitzerako ezartzen diren epeen barnean. Urraketa horiek moldatzen ez badira, NNPEKek jakinaraziko dizu zer ekintza egin eta hilabeteko epea izanen duzu moldatu ahal izateko. Urraketen arabera, hona hemen zer neurri har daitezkeen:

- Operadoreak zuzenketa-plan bat aurkeztea.
- Ziurtapena kentzea ekoizpen sorta bati edota unitateko elementuei (kalifikazioa kentzea lursailei edo animaliei), edo erreferentzia ziurtatuei.
- Aurreko neurri batzuk edo antzeko batzuk batera.
- Ziurtagiria bertan behera uztea (ekoizpen metodo ekologikoari dagozkion terminoen erabilera debekatzea epealdi jakin baterako).
- Ziurtagiria kentzea (operadorearen baja).

Neurriak ezarriko dira, urratu den betebeharraren garrantziaren arabera, eta jarduera irregularren eitearekin eta inguruabar zehatzekin. Haien berri ematean, NNPEKek jakinaraziko dizu apelazioa egiteko eskubidea duzula.

Ziurtagiria bertan behera uzten bada, neurri hori jakinarazten denetik 6 hilabete baino gehiago igarotzen badira hura eragin duten arrazoiei konponbiderik eman gabe, operadoreari baja ematen ahalko zaio. Operadoreari baja ematea erabakitzen bada, ezin izanen da berriro operadore gisa alta eman 12 hilabeteko epean.

NNPEK kontseiluarekin sinatzen duzun ziurtapen-akordioak bi alderdien eskubideak, betebeharrak eta erantzukizunak jasoko ditu. Hala eskatuz gero, NNPEKek zure eskubideak, betebeharrak eta konpromisoak jarriko ditu zure eskura, bai eta NNPEKen konpromisoak eta erantzukizunak ere.

Indarrean diren tasen, kontsulten edo argibideen berri izateko, jarri gurekin harremanetan 948-178332 telefonoan.

Kontrol eta Ziurtatze Saila
CPAEN-NNPEK